



Neuwerker Pusspass - Taat , äs wie min Jrooß se mi-ek :

Pusspass - Kermes : Engs September jing et bej oss emmer rongk , do ko-em Lä-eve en de Bölt. Jardiene on Vollangs wu-ete von de Fenster jeno-eme, jewäsche on jeschtiff. Fenster on Blende nö-ij jeschtri-eke, jeputzt, on de Behäng werr opjehange. Op d`r Wääsh, em Vü-erjaat, ko-em nö-ije lisersangk, on möt de Kratz wu-ete Muster enjehärek. Langes d`r Wääch on en de Rabatte schtunge Flätte, Rengelbloome, Shtokkviju-ele on Rejiine wi de Soldate bej de Parade op Kaisers Jebu-etsdaach . Alles wo-er jeröös; de Jääs kosse komme on de Pusspasskermes aanfange. Äver halt , de Hauptaak hött ech hooß noch verjä-ete , die Pusspass - Taat !

Dä Bääsdevaar wu-et en d`r Jaat affkommandeerdt öm Backpruume, Äppel on Bi-ere te plöcke. Die Jrooß fuhrwerkde en der Tiit en de Kü-ek eröm, schtallt alles parat, on satt d`r Hääfedeech aan, domöt - te och joot opjing . Dä Bääsdevaar hot en derr Tiit si Werk jedonn on wo-er möm Obs erenn jekomme. Nu jo-ev sech die Jrooß an et Pusspass maake. Dat Obs wu-et joot jewäsche, uut de Pruume de Schteen jefimmelt, Äppel on Bi-ere jeschällt, de Ketsch eruut jeschto-eke, on dann wu-et alles dummedeck kleenjeschni-eje . Möt e Schpirke Waater, Zukker, Kani-el, en Vanillije-schtang on en Mä-eterschpets voll Muskat, ko-em alles en- en-ne jru-ete liserpott , wo dä jantse Ambratsch fönef Schtond lang , op e klee Vürrke , schtell vör sech hinko-eke moss . Töscheduur röhrde die Jrooß dä Bree aff on aan möt ne hölterne Lä-epel öm, domöt och jo nikks aanbrenne ding , söös hött et Siiep Naat jejo-eve! Dat wo-er ne Rü-ek em jantse Huus, ech kann et öch mar vertälle .

Nu hölde die Jrooß dä Hääfedeech uut de Kaamer on ding öm möt de Nudelroll op-em Bakkblä-ek fengerdeck uutrolle. Dann ding-se dä Pusspass, dä en d`r Tiit jreet wo-er, angerthalf Duume deck dohrop schriike. O-evenop leit-se dann krütswiis jezakkde Remkes uut Deech, di möt Eijä-el beschtri-eke, on möt Harelzucker beschtreut wu-ete. Dann ko-em dat Blä-ek mött di Taat en d`r heete Bakkes. Do bli-ev-se en knappe Schtond drenn. Dat jantse Huus ro-ek noh di Pusspasstaat. Dä Rü-ek , dat könnt Err mech jlööve , han ech hüüt noch en de Naas! Dä Rääs von dä Pusspass ko-em nu en e irde Döppe, vör schpöder op en Schni-j Wekk möt deck jo-e Botter te schriike. Jong dat schmi-ek bä-eter äs wie Manna. Nu wo-er - et so wiit, die Jrooß hölde di Taat uut d`r Bakko-eve. On ech sach - et öch, di wo-er joot jero-ene! Schwattblau schemmerde dä Pusspass dur di joldjä-el Remkes, on dä Harelzucker jlitzerde wie klitsekleene lisschtökkskes. E Prachschtöck von en Taat. Nu kosse de Jääs komme on de Pusspass-kermes aanfange. Ech hött mech am leevs diregkdemang an - et kimmele jejo-eve. Wenn ech draan dengk, löpp mech hüüt beem Schriive noch et Water em Mongk tesaame!



Merr nömp :

**ne äffe Häffedeech ,
rollt öm joot mö`m Nuddelhölske uut ,
läät öm op et Bakkblä`ek on mäkk ne
tweefenger hu`re Rangk.**

**Dekk möt Pusspass beschtriike ,
angerthalf of twee Fenger hu`er.**

**Möm Posteliinröllke
fengerbreet Deechschtriipe jezakk uutrolle ,
on övver Krüts , veer fengerbreet uute- nanger
op dä Pusspass lä`eje.**

Möt Eijä`el enpinsele on möt Harelzucker beschtreu`eje.

**Dann dat Blä`ek en dat heete Bakkes stelle
on dressich bös vettsich Minütte bakke.**

***„ Ech verschprä`ek et Öch , dat jöff en Remkes - Taat ,
do lägkt Err Öch de Fenger noo!“***

Kurt P. Gietzen